

越後學讀史札記

白史





南史札記一卷

水竹邨人



南史札記

讀史札記之十

會稽 李慈銘

齊本紀下第五

和帝紀 句後輒云愁和帝至是其言方驗

汲古閣本
頁十九下

慈銘案帝齊書五行志作諦

君向後總而結之名曰反縛黃麗

頁二十上

慈銘案齊書五行志作黃離古無鸛字只作離爾雅離黃鳥也說文同

梁本紀上第六

高祖武皇帝紀 時正尊號帝不從

頁五下

慈銘案時爲待字之誤梁書作待正尊號又梁書待正尊號下有然後

進軍四字此疑脫誤

荊州遣冠軍將軍鄧元起軍主王世興田安等會大軍於夏口

頁六上

慈銘案夏口梁書作夏首

甲寅東昏遣寧朔將軍吳子陽光子衿等十三軍救郢州

頁六上

慈銘案梁書光子衿上有軍主二字是也此誤脫

王茂曹景宗等犄角奔之珍國之衆一時土崩

頁七下

慈銘案犄角奔之下梁書有將士皆殊死戰無不一以當百鼓噪震天地十六字不可少

乃入收嬖妾潘妃誅之及凶黨王暄之以下四十八人屬吏以宮女二千

人分賚將士

頁八上

慈銘案梁書誅之二字在屬吏下當從之四十八人作四十一人

梁本紀下第八

太宗簡皇帝紀 所著昭明太子傳五卷諸王卷三十卷

頁三上

慈銘案梁書有老子義二十卷莊子義二十卷隋志作老子私記十卷

亡莊子講疏十卷本二十卷今闕

列傳第四

豫章王子尚傳

又立左學召生徒置儒林祭酒一人學生師敬位比州

中從事

頁二十一上

慈銘案位比州中從事宋書作位比州治中此唐避高宗諱改

列傳第八

臧燾傳

質不知所爲亦走至尋陽焚府舍載妓妾入南湖擲蓮噉之

頁十上

上七

慈銘案宋書質傳質自尋陽載妓妾西奔使所寵何文敬領兵居前至西陽太守魯方平誑文敬棄衆而走質往投妹夫武昌太守羊沖既至沖已爲郡丞胡庇之所殺無所歸乃入南湖是武昌之南湖也此當有脫文又宋書入南湖下有逃竄無食四字亦不可少

列傳第十一

王弘傳

僧亮弟僧衍位侍中僧衍弟僧達

頁三下

慈銘案僧衍弟僧達當作錫弟僧達此校書者誤以僧字排行同疑爲兄弟而妄改耳僧達爲弘之子錫之弟錢氏大昕嘗列五證以明之案宋書王弘傳明言弘少子僧達別有傳則南史爲傳寫之誤無疑此當亟改正者

荊江夏反叛加僧達置佐領兵臺符

頁四上

慈銘案荊爲荊州刺史義宣江爲江州刺史臧質此夏字衍宋書及各本皆無

傾動頰舌之內不容無主

頁七下

慈銘案不容無主南齊書作不容都無彼此此只省二字便與上句參差不齊

一介罪身獨嬰憲劾

頁七下

慈銘案獨嬰憲劾句語氣未完南齊書此下有若事實有徵爰對有在九死之日無恨泉壤四句不可省

列傳第十二

王曇首傳

子承幼訓並通顯

頁九下

慈銘案幼本名穉李氏避高宗嫌諱故改幼

唯承獨好儒業遷長史兼侍中

頁九下

慈銘案梁書無史字是也

筠有孝性毀瘠過禮大通二年爲司徒左長史

頁十七上

慈銘案梁書毀瘠過禮下云服闋後疾廢久之六年除尙書吏部郎遷

太子中庶子領羽林監南史於遷除皆從省然下云一官爲一集有中

庶吏部云云明此二官不可略又大通上當據梁書增中字

雖遇見警觀皆即疏記

頁十七下

慈銘案遇當作偶梁書同誤

所以范蔚宗云崔氏雕龍然不過父子兩三世耳

頁十七下

慈銘案後漢書崔駰傳贊云崔爲文宗世禪雕龍此處雕上脫世禪二

字梁書作世擅然南史世字皆應作代

列傳第十三

王誕傳 下官與劉鎮軍情味不淺若得北歸必蒙任寄

頁一

慈銘案任寄下宋書有云公私際會思報厚恩二句不可少

偃字子游

頁二

慈銘案偃女爲宋孝武皇后故孝武時歷顯位雖文穆王后傳中有父

偃一語此處亦宜略見

列傳第十九

蔡廓傳 使選令顏緯之薛慶先等往復論執義恭

頁四

慈銘案令下應據宋書增史字

僕荷卷

卷一作

深重故吐眷

卷一作

梯之言

頁五

慈銘案吐眷宋書作吐去此眷字及注一作卷俱涉上誤衍

列傳第二十一

張裕傳 僕射王儉嘗云緒過江所未有北士可求之耳

頁四下

慈銘案南齊書作北士中覓張緒過江未有人謂北士過江以來未有如緒者故下云不知陳仲弓黃叔度能過之不陳黃皆漢末北士最有名者也南史改之語意便不明

何平叔不解易中七事

頁五上

慈銘案南齊書七事下有諸卦中所有時義是其一也十一字蓋南史本有之此本誤脫應據南齊書增

若夫驚巖罩日吐海逢天

頁六下

慈銘案吐梁書作壯

列傳第二十二

張邵傳 又作海賦文辭詭激獨與衆異

頁八上

慈銘案南齊書全載融海賦其文甚長此刪之然下文此四句後所足也語便無根

曰吾生平之風調何至使婦人行哭失聲不須暫停閨閣

頁十下

慈銘案南齊書日上有又字是也以上亦皆融之言

列傳第二十七

沈慶之傳

量其必至乃開清溪諸橋以絕之

頁五下

慈銘案宋書開作閉今案作開爲是蓋清溪諸橋猶大桁以木爲之如今之浮橋開者徹去之也故下云不得度若作閉則橋不可言閉如云閉柵則橋下當有柵字矣

列傳第三十一

衡陽公諡傳

遣梁武帝爲司州別使誅誕

頁十上

慈銘案南齊書作遣黃門郎梁王爲司州別駕使誅誕

列傳第三十三

江夏王鋒傳

明帝深憚之不敢於第收之

頁七下

慈銘案南齊書言高宗深憚之不敢於第收鋒使兼祠官於太廟夜遣

兵廟中收之此處於第下蓋有脫文

列傳第三十五

王敬則傳

遣敬則世子仲雄入東

頁四

慈銘案此世字誤衍據南齊書言敬則長子元遷則仲雄是次子也且敬則安得有世子南齊書亦衍世字入東下有安慰之三字此亦當然宜作慰安之又案南齊書下載明帝數敬則罪云元遷兄弟中萃淵藪則爲敬則後者自屬元遷其下收敬則子有員外郎世雄而無仲雄通鑑注云此即敬則世子仲雄也仲世二字必有一誤今以敬則諸子之名推之自以元仲季幼少爲次不當有世雄且南史避世字此必因南齊書誤衍世字後之校南史者亦妄加之至南齊書之世雄又因而誤改六朝惟宗室諸王子當爲嗣者稱世子其餘功臣如褚淵子蕢亦稱世子此下陳顯達傳亦有陳世子之稱周盤龍傳成買言弱息不爲世子當爲孝子蓋皆流俗通稱如公子之比非朝廷徑目爲世子也

發丁可得幾人庫見有幾錢物

頁四下

慈銘案南齊書庫上有傳字是

小子我作事何關汝小子乃起兵

頁四下

慈銘案南齊書乃起兵下載明帝討敬則一詔下云收敬則子員外郎世雄記室參軍季哲太子洗馬幼隆太子舍人少安等於宅殺之長子黃門郎元遷爲寧朔將軍領千人於徐州擊虜敕徐州刺史徐玄慶殺之南史刪之非是

朝廷遣輔國將軍前軍司馬左興盛直閣將軍馬軍主胡松

頁五上

南齊書左興盛下有後軍將軍直閣崔恭祖輔國將軍劉山陽此誤脫則下文山陽二字無根

凡十日而敗時年六十四

頁五上

慈銘案南齊書作年七十餘

上欲悉除高武諸孫上微言問顯達

頁六上

慈銘案諸字當作子各本皆誤南齊書孫下無上字

顯達馬稍從步軍數百人於西州前與臺軍戰

頁七上

慈銘案南齊書作洲非西州有門晉書之西州門也

崔慧景傳

覺等軍器精嚴柳燈沈佚等謂寶立曰

頁十一上

慈銘案燈當作燈佚下當有之字南齊書寶立傳作長史沈佚之謚議柳燈惟梁書南史燈傳俱無此事蓋別是一人

列傳第三十六

周盤龍傳

又求黃門郎明帝作輔固執不能得

頁八下

慈銘案南齊書作奉叔加輔國將軍少日仍遷道剛爲黃門郎高宗固諫不訥其下方云隆昌元年除黃門郎未拜仍出爲持節都督青冀二州軍事青州刺史是明帝所執者曹道剛事奉叔則除黃門郎而未拜又南齊書云時帝謀誅宰輔故出奉叔爲外援以出鎮爲出鬱林之意亦與此不同

因其早入引往後堂執送廷尉盡之

頁九上

慈銘案南齊書作高宗與蕭湛謀稱敕召奉叔於省內殺之勇士數人拳擊久之乃死

列傳第三十七

江祏傳 祏字景昌位晉安王鎮北長史南東海太守行府州事

頁十下

慈銘案南齊書云祏初爲南郡王國常侍歷高宗

今本宗誤作祖

驃騎東閣祭

酒秘書丞晉安王鎮北長史南東海太守行府州事此皆謂其先所歷之官也祏此時已由衛尉爲侍中列於六貴非終於長史太守之官南史位上當脫一歷字當据南齊書補

列傳第三十八

陸澄傳 案司馬孚議皇后春秋逆王后於齊竝不言姓

頁一上

慈銘案南齊書司馬孚議皇后不稱姓此處蓋脫三字

并言左氏杜學之長

頁一下

慈銘案南齊書澄書言左氏太元取服虔而兼取賈逵經服傳無經雖在注中而傳又有無經者故也今留服而去賈則經有所闕儉答書謂賈氏注經世所罕習是澄意本欲兼存賈服非僅僭杜學之長太元晉孝武年號也

穀梁小書無侯兩注存麋略范率由舊式

頁二上

慈銘案南齊書澄書言穀梁太元舊有麋信注顏延之爲祭酒益以范甯麋猶如故恐不足兩立必謂范善便當除麋是澄意本去麋存范而儉意反之

陸慧曉傳

鄰族來相賀慧曉舉酒曰陸慧曉年踰三十婦父領選始作

尙書郎卿輩乃復以爲慶邪

頁三上

慈銘案婦父爲張岱南齊書岱傳言岱以元徽中爲益州刺史數年徵爲侍中度支尙書遷吏部尙書至齊建元元年始出爲吳郡太守是齊高輔政時岱領選最久